

Surat khabar: Utusan Borneo ( Berita Iban )

Hari/Tarikh: 5/12/2013

Muka surat: 10

Tajuk : Projek Hidro Mikro Meri Penguntung Ngagai Empat Kandang Menua Pesisir.

## Projek hidro mikro meri penguntung ngagai empat kandang menua pesisir

**KOTA SAMARAHAN:** Projek mikro-hidro ti dikemansangka Fakulti Kejuruteraan Universiti Malaysia Sarawak (UNIMAS) dipelabedeka meri penguntung ngagai peranak ba empat bengkah kandang menua pesisir nengeri tu.

Nitihku Timbalan Dekan (Pascasiswazah dan Penyelidikan) Fakulti Kejuruteraan Dr. Hushairi Zen (**gambar**), projek nya diatu dalam rengat pemansang dipejalaika Kumpulan Mikro-Hidro fakulti nya.

“Empat kandang endur menua pesisir ti dikemansangka nengah projek mikro-hidro tu iya nya Semulong Ulu, Sri Aman; Bukit Assum, Padawan; Nanga Sengaih, Julau enggau Bario.

“Projek mikri-hidro di Semulong nyau deka tembu lalu ke bukai benung ba renggat pemansik,” ku iya lebuh dikerandau pengarang berita pengudah bejadika



‘Majlis Perasmian Minggu Kejuruteraan’ di UNIMAS, kemari.

Ku iya, piak sida bedau ulih netapka timpuh penembu projek pemansang nya laban bepanggai ba guna enggau logistik palan pemansang.

“Timpuh penembu projek ba empat kandang menua pesisir nya bedau ditentuka laban nya bepanggai ba lo-

gistik enggau guna palan pemansang.

“Kelimpah ari nya, kami patut ngajar sereta ngenegapka peranak ba kandang menua nya pasal sistem pemansang nya,” ku iya.

Iya nerangka, mikro-hidro dikemansang ngambka ulih nyendiaka bekal elekerik ungkup lampu enggau kipas sereta ukai dikena aikon.

“Empat kandang menua pesisir ke dipilih bepelasarka peminta guna ba kuasa elekerik dikena nganti injin api.

“Nya (ngena injin api) ungkus besai sereta semina ulih mekal kuasa elekerik pengelama tiga ngagai empat jam aja.

“Kami ngarapka nengah sistem mikro-hidro ba kandang menua pesisir nya ulih ngurangka pemerat tating peranak sereta ulih mekal kuasa elekerik pengelama enam ngagai lapan jam sehari,” ku iya.